

觅简论道

<http://me.searchbook.cn/?fromuid=381>

觅简论道——文献检索的家园，专业交流的乐园，中国科研第一站！！

觅简论道论坛是一个集文献检索|Ezproxy|文献代理|文献互助|电子书|专业交流|检索资源网的专业资源论坛，主要面向广大科研工作者，检索爱好者，电脑爱好者....广大人群。在这里，您可以与您有共同爱好的人互相交流，帮助，获得你的帮助。

论坛的主打方向——文献互助！论坛收集网络上各种试用和破解的数据库密码，如国内的有：CNKI，维普，万方学位论文，超星图书馆.....；国外的数据库有：Science, Nature, Sciencedirect, Springer, Ebsco, APS, IOP.....论坛有一些检索和破解的高手，拥有大量的免费文献代理和EZ、国内外各大数据库资源,在这里你几乎可以得到你想要的任何文献代理和数据库密码。

更多好书请访问觅简论道

<http://me.searchbook.cn/?fromuid=381>

沈雲龍教授主編

近代中國史料叢刊

第三十輯

文海出版社印行

近代中國史料叢刊

沈雲龍教授主編

近代中國史料種類之繁，卷帙之多，遠過其他時代。就內容而論，可別爲原始資料（Primary sources of materials）與次要資料（Secondary sources of materials）兩類。前者如歷朝實錄、東華錄、政治官報、大臣奏疏、外交檔案、名臣專集、函牘手扎、日記、自訂年譜、回憶錄等；後者如官書傳記、行狀、碑誌、新聞記載、雜誌論文、私人筆記、以及參用史料，專題研究所得而成之史籍，與夫總合敘述史蹟之真相，而使讀者明瞭一事，或一時代之政治外交社會經濟情況及人民生活之專著等，均其明例。

本社向以搜集史料影印流傳爲職志。其卷帙較多之大清實錄、東華錄、十朝聖訓、清季外交史料，政治官報等鉅製，均已先後出版，甚獲好評。茲再商得近代史學家沈雲龍教授之同意，就上述範圍，代爲搜羅選輯卷帙較少而有價值之史料，陸續影印，並承惠允將其所藏罕見之孤本若干種先行借出攝印，以供海內外學人治近代中國史者之參考。

文海出版社謹識

中華民國五十五年十月

近代中國史料叢刊 第三十輯

目 錄

清朝翰詹源流編年

金鼎雯著

于襄勤公（成龍）年譜

宋 攀 著
李樹德著

欽定學政全書

素爾納等纂修

安吳四種

包世臣著

李忠節公（鑑堂）奏議

李秉衡著

蘿華山館遺集

郭崙燾編

太平天國叢書十三種

謝興堯編

盾鼻隨聞錄

樗園退叟編

侯官郭氏家集彙刻

郭則澧編

南園叢稿

張相文著

1912-11
W4187-11

叙

翰林爲古今榮選粵稽前史會推閣臣非由詞林
起家不得與誠重之也我

朝

太宗文皇帝命儒臣達海榜式剛林等繙譯書籍庫爾纏
榜式記注信史其卽史臣所由昉乎洎順治丙戌
開科拔其尤者爲庶吉士

簡重臣教習清漢書

列聖相沿

賜邸增餼禮遇有加超擢逾格我

皇上教養備至逢

國大慶卽

特開恩科取士必得益文治光昌經

壽考之作人而愈毓其英故通儒粹於理學經濟蔚為

名臣其姓氏足以馨俎豆其勲猷足以銘鼎彝洵

史不絕書矣院署舊存沈椒園臬使館選錄歷科

增續僅記姓名鄉貫間亦多所缺略要人詞館逾

年卽纂修

國史因得恭閱

五朝典冊遇有關詞臣掌故暨散館升階列爵易名見之
實錄紅本中者俱手爲采錄復叅以各省志乘史館列傳
詳其字號世系日久成帙帙經數繕十有五年於
茲矣同館思其久而佚也趣付剞劂昔宋楊徽之
好言唐士族閱諱行錄余今按年編其建官源流
攷其爵里謚法皆以紀我

朝人材之盛

恩遇之隆題曰

國朝詞垣考鏡使知翰林爲古今榮選至

國朝又榮之至矣顧古人不朽之業在立德立功立
言士果克自樹立則聲施當時名垂奕禩何必盡
在館選否卽濫竽詞林且有不數傳而並逸其姓
氏者錄果足恃乎哉然披是錄也俾與選者簪筆

禁近感

累朝恩遇成一代人材郁郁彬彬銜華佩實爲通儒爲名
臣垂之不朽卽未與選者亦爭自濯磨異有當於
庶常吉士之義錄亦不爲無助禮云在官言官余

史氏職也于是乎書

皆

乾隆五十八年歲次昭陽赤奮若陬月上澣固陵

吳鼎雯撰

余
三

國朝翰詹源流編年卷一

國史館總纂官翰林院編修吳鼎雯著

天聰三年己巳

夏四月命儒臣分直文館。

達海榜式。同剛林蘇開顧爾馬渾托布戚。四筆帖式。繙譯漢字書籍庫爾纏榜式。同烏巴什查素喀。胡邱詹四筆帖式。記注本朝得失以爲信史。初

太祖高皇帝製滿字因心肇造。初立軌範。暨

太宗文皇帝卽位。躬秉聖明之姿。復樂聞古典。故分命

滿漢儒臣欲以歷代帝王得失爲鑑。并以記在己之得失焉。

十年丙子

春三月。改文館爲內三院。

國史院。掌記注起居詔令收藏。御製文字。凡

用兵行政事宜。編纂史書。撰擬郊天告。

廟祝文。陛殿宣讀賀表。纂修祖宗實

錄。撰擬礦志文。編纂機密文移。各官章奏。掌記官

員升降文冊。撰功臣誥命。追贈諸貝勒冊文。

凡六部事宜可入史冊者。選擇記載。一應遠方往來書札。俱編爲史冊。秘書院掌撰外國往來書札。錄各衙門奏疏詞狀。勅諭文武官。勅書告祭文廟。諭祭文武官。文宏文院掌注釋歷代行事善惡進講。御前侍講皇子。並教諸親王。頒行制度。

崇德元年

夏五月。命剛林爲國史院大學士。范文程。鮑承先。爲秘書院大學士。希福。爲宏文院大學士。羅碩。羅繡。錦。

爲國史院學士詹霸爲秘書院學士胡球沈文奎爲
宏文院學士。

謹按唐書有宏文館學士掌詳正圖籍教授生
徒。朝廷制度沿革禮儀輕重皆參議焉。古今圖
書集成。金國史院掌修國史。秘書監掌書籍。宏
文院校譯經史。

八年癸未

秋七月以理藩院署爲內三院署

都察院承政祖可法張存仁理事官雷興奏近聞

移內三院於理藩院之外。伏思內三院爲朝廷近
臣。宜仍近臣院。詔改理藩院衙門爲內三院。
另建理藩院近禮部衙門。

順治元年甲申

春二月。增設內三院學士各一員。

國史院宏文院見任學士各四員。秘書院見任學
士三員。是月。復以來袞爲國史院學士。覺羅伊圖
爲秘書院學士。查布海爲宏文院學士。

夏六月。以翰林院檢討李若琳爲左春坊左庶子兼

翰林院侍讀署詹事府事

謹案會典未詳置翰林院詹事府年月恭檢

實錄載攝政睿親王五月初二日至京師

初三日令各衙門官照舊錄用六月擢詹事府

少詹事兼翰林院侍講學士何瑞徵為禮部侍

郎則詹事府翰林院俱仍舊設立即在五月而

詹事府入本朝遷官則自李若琳始

秋八月定翰詹官俸薪銀數

時定在京文武官支給俸祿柴直俱仍明舊例俸

銀正三品八十八兩八錢四分。正四品六十二兩四分四釐。正五品四十二兩五錢五分六釐。從六品二十九兩八分四釐。正七品二十七兩四錢九分。從七品二十五兩八錢九分六釐。薪銀詹事府正詹掌府如係尙書歲給一百四十四兩。如係侍郎一百二十兩。少詹事七十二兩。府丞四十八兩。主簿錄事各二十四兩。左右春坊諭德中允贊善。司經局洗馬各四十八兩。翰林院大學士七十二兩。侍讀侍講修撰各四十八兩。編修檢討各三十

六兩待詔孔目各二十四兩庶吉士各十二兩。

冬十一月定翰林院爲正三品衙門。裁詹事府。

大學士馮銓等奏言翰林院。明初定爲正三品衙門。後因詹事府有翰林三品四品官。遂改爲五品。今議暫罷詹事府。宜仍復翰林院爲正三品。原額官二十員。學士一員。正三品侍讀學士二員。侍講學士二員。正四品侍讀二員。侍講二員。正五品修撰三員。從六品編修四員。正七品檢討四員。從七品。今應如額查資序。才能補授。再查翰林原額。雖

止二十員。明因職務殷繁，又爲儲才地，備將來內閣宗伯少宰之選，用人每多至三四十員。於會典載無定額。庶吉士三年一選，或二三十員，亦無定額。誥敕房典籍二員，首領官孔目一員，俱仍舊。博士五員，侍書二員，待詔六員，應裁得。旨俞允。詔以胡世安爲翰林院侍讀學士，掌院事。李若琳爲翰林院侍讀學士，管國子監祭酒事。

時世安若琳均官少詹事，以詹事府暫裁，故改官。謹按唐元宗初，置翰林待詔，以張說張九齡等

爲之。掌四方表疏批答。應和文章。繼乃選文學士。號翰林供奉。後又改翰林供奉爲學士。別置學士院。專掌內命。自諸曹尙書。下至校書郎。皆得與選。入院一歲。則遷。知制誥。班次各以其官。內宴。則居宰相之下。一品之上。歷代選用益重。禮遇益隆。率皆由他職除試。至明始以一甲進士。先授修撰。編修。餘拔爲庶吉士。三年散館。授職。編修。檢討。會推閣臣。非由詞臣起家。不得與。則翰林院之名。始於唐。○又按唐乾寧二年。陸

宸以翰林學士承旨。拜中書侍郎平章事。後唐
天成三年。勅翰林學士入院。並以先後爲定。惟
承旨一員。不計官資先後。在學士之上。則承旨
卽今掌院學士職。○唐開元十三年。置集賢院
侍讀學士。侍讀直學士。宋太宗始以著作佐郎
呂文仲爲侍讀。真宗咸平二年。以楊徽之夏侯
嶠爲翰林侍讀學士。邢昺爲翰林侍講學士。後
又以馮元爲翰林侍讀。又有馬宗元爲侍講。高
若訥爲侍讀。則侍讀學士始于唐。侍講學士侍

讀侍講始于宋。○唐書置史館於門下省。史館
修撰四人。令狐德棻請修近代之史。遂命修撰。
則修撰之名始于唐。又金史置翰林修撰。翰林
應奉文字。則翰林修撰之名始于金。○宋天聖
間。國史院以宰相爲提舉。以三館秘閣校理爲
編修官。則編修之名始于宋。但宋之編修不止
史院。三司樞密院皆有之。○唐百官志注。元宗
嘗選耆儒。日一人侍讀。開元十三年。增修撰校
理。待制留院知檢討。宋代檢討無常員。則檢討

之名始于唐。我朝參酌。今古沿以命官。

二年乙酉

春二月。復置詹事府官。

詹事一員。少詹事二員。左春坊左庶子左諭德左中允各一員。右春坊右庶子右諭德右中允各一員。給事中李徽奏准。

謹按詹事秦官。漢因之。掌皇后太子家。位在大長秋上。比二千石。太子門大夫。庶子。洗馬。舍人。屬二傅。其太子家令丞。率更令丞。僕中盾衛律。

等官並屬詹事。唐復置詹事府。太子詹事一人。少詹事一人。以貳之。則詹事秦官。至唐始增置少詹事。○禮記燕義。周天子之官有庶子官。周禮夏官諸子。卽庶子官掌國子之倅。掌其戒令。與其教治。辨其等。正其位。秦置中庶子。庶子員。漢魏以後。皆有其官。北齊上門下坊。中庶子四人。領之。典書坊。庶子四人。領之。隋門下坊。有左庶子二人。典書坊。有右庶子二人。唐龍朔二年。改門下坊爲左春坊。左庶子二人。中允二人。司議郎

四人。錄事二人。左諭德一人。掌侍從。諭贊職比常侍。左贊善大夫五人。掌侍從。翊養。崇文館校書郎八人。統六局。改典書坊爲右春坊。右庶子二人。中舍人二人。舍人四人。錄事二人。右諭德一人。右贊善大夫五人。通事舍人八人。兼領內坊。是庶子始於周。而分左右春坊。及置諭德贊善。則始於唐。○中允亦太子官屬。見漢官儀。漢百官表。名中盾。秩四百石。職在中庶子下。洗馬。上宋齊中舍人。卽其職也。唐貞觀初。改太子中

舍人爲中允。掌侍從禮儀。駁正啟奏。通判坊局事。龍朔二年。置左贊善大夫。替中允。右贊善大夫。替中舍人。咸亨元年。中允舍人復舊。而贊善大夫。別自爲官。則中允始於漢。○洗馬。秦官。漢曰洗馬。比六百石。太子出。則當直者前驅導威儀。北齊典經坊洗馬二人。隋改爲司經局。又置太子正字二人。掌刊正文字。則洗馬始於秦。而司經局之名。則改於隋。至今皆沿之。

三月。定內三院爲二品衙門。

夏四月。令翰林官由內三院補授。

從大學士剛林議。

閏六月。裁翰林院歸內三院。定內三院官制。

大學士二員。秩二品。學士四員。秩三品。侍讀六員。秩四品。筆帖式三員。秩七品。

三年丙戌

春二月

召明進士王崇簡張丕吉。杜芳周爰訪

喬廷桂岳映斗爲內翰林國史院庶吉士。

夏四月。授一甲一名進士傅以漸爲內翰林宏文院

修撰二名進士呂纘祖爲內翰林秘書院編修三名進士李奭棠爲內翰林國史院編修選進士多象謙等四十六人爲庶吉士。

是年定制進士殿試畢由內三院題請簡授庶吉士屆期上御便殿內院學士豫以新進士名單進呈次第引見候欽選分讀清漢書

自是歷科庶吉士詳見館選錄不具書

謹按明洪武十八年以諸進士未更事俾觀政於諸司仍稱進士其在翰林院承敕監等近侍

衙門者採書庶常吉士之義。名庶吉士。正統後

始定庶吉士。止人翰林。則庶吉士之名始于明。

○又按洪武十八年三月。既殿試。以第一甲丁

顯等三人並為修撰。至二十一年。以一甲第一

人任亨泰為修撰。第二人唐震。第三人盧原質

為編修。國朝因之。

命宏文院學士查布海。蔣赫德。侍讀陳具慶。教習庶

吉士。

由內三院奏。派初以內三院學士掌教習侍讀

等亦與。康熙九年。定以掌院學士或內閣學士領其事。六十一年。定大學士尙書侍郎之不兼掌院者。並得與。○一甲進士雖授職。並同庶吉士教習。以侍散館。

四年丁亥

夏六月。散館。授庶吉士梁清寬等七人爲內翰林秘書院編修。王炳昆等六人爲內翰林國史院編修。陳燾等五人爲內翰林宏文院編修。王崇簡等七人爲內翰林秘書院檢討。喬廷桂等六人爲內翰林國史

院檢討。岳映斗等六人爲內翰林宏文院檢討。

詳見館選錄。

謹按明永樂二年。庶吉士散館。二甲除編修。三甲除檢討。我朝因之。

秋七月。特授庶吉士董篤行。杭齊。蘇。魏。象。樞。魏。裔。介。爲給事中。李若琛。右。維。崑。主。士。驥。爲監察御史。

六年己丑。

春正月。更定內三院官制。

三院各設學士一員。侍讀學士。侍講學士。各一員。

侍讀侍講各一員。

夏四月。散館改庶吉士。胡之駿常若桂爲給事中。馮右京杜果爲監察御史。

謹按散館改科道始此。

八年辛卯

春正月。移內三院於紫禁城內。

夏四月。增裁內三院官。

時內院大學士品級與尚書同。

詔學士品級

亦與侍郎同。每院增侍讀學士三員。秩三品。裁侍

讀各二員。

九年壬辰

夏四月。定詹事府官額。

漢詹事一員。少詹事二員。主簿一員。錄事二員。通事舍人二員。左春坊。左庶子。左諭德各一員。左中允。左贊善各二員。右春坊。右庶子。右諭德各一員。右中允。右贊善各二員。司經局洗馬一員。正字二員。俱以內三院官兼之。專設滿洲詹事一員。掌府事而司其印信。詹事以下。正字以上。由內院題補。

主簿以下由吏部題補

五月定詹事府官品級。

詹事正三品。少詹事從三品。左右庶子從四品。諭
德洗馬從五品。中允正六品。贊善從六品。主簿從
七品。正字正九品。錄事通事舍人從九品。詹事府
官職掌與翰林院互兼。惟驗看月選官。每歲朝審。
則詹事少詹事與九卿科道入班。詹事班次大理
寺卿。少詹事班次右。政大理寺少卿。其會議大
政事。奉。旨下九卿詹事科道者亦入班會議。

左右春坊掌講讀箋奏之事。司經局掌收貯書籍。正字掌繕寫講章及裝潢之事。

授滿洲一甲一名進士。麻勒吉爲宏文院修撰二名。進士哲庫訥爲國史院編修。三名進士巴海爲秘書院編修。

定翰詹官升補例。

大學士范文程等奏修撰編修檢討。按科分先後資序升轉。凡奉差終養丁憂治喪。依限到京者。仍序資。違者。計所違日月序于後。給假告病者。概序

後降補別衙門復回者。依現補官品級爲序。三品官服滿病痊者。由督撫具奏四品以下。親身赴京。俱由內院題補。永爲令。

以太僕寺卿薛所蘊爲詹事兼內翰林秘書院侍讀學士。內翰林宏文院侍講學士高珩。內翰林國史院侍講學士李呈祥爲少詹事。內翰林秘書院侍讀傅以漸爲左春坊左庶子。內翰林宏文院侍讀呂纘祖爲右春坊右庶子。內翰林秘書院修撰張爾素爲左春坊左諭德。內翰林宏文院修撰楊思聖爲右春坊

右諭德。內翰林國史院修撰。夏敷九爲司經局洗馬。
內翰林秘書院編修。王一驥。內翰林宏文院編修。傅
維麟。爲左春坊左中允。內翰林秘書院編修。王紫綏。
內翰林國史院編修。王舜年。爲右春坊右中允。內翰
林秘書院檢討。艾元徵。內翰林宏文院檢討。喬映伍。
爲左春坊左贊善。內翰林秘書院檢討。李培真。內翰
林國史院檢討。藍滋。爲右春坊右贊善。
以原任吏部右侍郎成克鞏。爲內翰林宏文院學士。
侍讀學士。劉正宗。爲內翰林秘書院學士。侍講學士。

魏天賞爲內翰林國史院學士。降學士胡統虞爲內翰林秘書院侍讀學士。陞國子監祭酒王崇簡爲內翰林宏文院侍讀學士。侍讀喬廷桂爲內翰林國史院侍讀學士。岳映斗爲內翰林秘書院侍講學士。光祿寺少卿羅憲汶爲內翰林宏文院侍講學士。編修梁清標爲內翰林國史院侍講學士。陳燾爲內翰林秘書院侍讀。王炳昆爲內翰林宏文院侍讀。黃志遴爲內翰林國史院侍讀。法若真爲內翰林秘書院侍講。胡兆龍爲內翰林宏文院侍講。韋成賢爲內翰林

國史院侍講。

以新定翰詹官陞轉例。

六月。加內翰林秘書院修撰呂宮。右春坊右中允陞編修。程方朝爲內翰林國史院修撰。蔣超爲內翰林宏文院修撰。檢討李燾。沙澄。傅作霖。爲內翰林秘書院編修。宋杞。劉澤芳。石申。爲內翰林宏文院編修。

謹按以編修陞修撰。以檢討陞編修。後不復見。秋七月。定按省遴選庶吉士。

給事中高辛允。奏准按直省大小直隸江南浙江

各五人。江西福建湖廣山東河南各四人。山西陝西各二人。廣東一人。以二十人習清書。二十人習漢書。滿洲四人。蒙古二人。漢軍四人。一體讀書。九月。選滿洲進士寶冲阿等六人。漢軍進士范承謨等四人。爲庶吉士。

詳見館選錄。是科進士分滿漢爲二榜。蒙古入滿洲榜。漢軍入漢人榜。賜及第出身。並與漢榜同。謹按滿洲漢軍會試館選始此。是科與乙未科俱分榜分選。至康熙庚戌科以後。則滿漢同一

榜。

十年癸巳

春二月。

御試習國書翰林官於內院。

歷科選年少翰林官。習清書。兼習清文清語。以資
奏對講讀。至是有踰六七年者。上幸內院而
試。待講胡兆龍。升侍讀學士。編修李燾。陞中允。檢
討莊罔生。陞費善。餘責合勉學者十二人。調六部
用者五人。

夏四月。

御試翰林官於太和門。

先是三月。

上曰朕稽往制。每科考選庶吉士入館讀書。歷陞編檢。講讀及學士等官。不與外任。所以諮求典故。撰擬文章。充是選者。清華寵異。過于常員。然必品行端方。文章卓越。方為稱職。乃者翰林官不下百員。其中通經學古。與未嘗學問者。朕何由知。今將親加考試。先閱其文。繼觀其品。再考其存心。持已之實據。務求真學。備朕異日顧問。自吏禮兩部翰林侍郎。及三院學士。詹事府詹事以下。各候朕旨親試。分別高下。以昭朕慎重詞臣之意。至

是與試者六十二人。試題君子懷德論。請立常平倉疏。越日。

上幸內院。御筆親定去留。

上曰。國家官人。內外互用。朕親試詞臣。量爲分別。有照舊留任者。有改授外任者。其外任編檢以上官。照詞臣外轉舊例。優與司道等缺。年衰病弱者。聽其請告。朕仍優遣之。于是從優外轉少詹事王崇簡以下二十一人。

六月。增置內三院漢大學士各二員。

始以翰林五品以下官。提督江南江北直隸學政。

初各省設提學道。惟直隸等大省稱學院。亦不專差翰林。至是始專差。惟習清書者不與。

冬十月。令內三院大學士學士。更番入直景運門內。
十一年甲午

春三月。令翰林官陞補歸吏部。

大學士范文程奏准。

十二年乙未

春三月。詔選日講官。

上曰。帝王勤學圖治。必舉經筵日講。以資啟沃。今經筵

已定于文華殿告成之日舉行。日講深有裨益。卽選滿漢詞官學問淹博者八員。以原銜充講官。侍朕左右。以備諮詢。乃定日講之禮。每歲自二月初旬後始。夏至日止。八月初旬後始。冬至日止。每日于部院官奏事後進講。講章繕正副二本。以正本先期進呈。以副本進講。歲終彙錄成帙進。御。康熙十七年停止。歲終彙寫。祇具本奏聞。○日講官自掌院學士詹事以下。坊局編檢以上官。皆得題請簡用。以原官充補。

夏四月。以學士。勅吉胡兆龍。李燾。侍讀學士。哲庫。訥。洗馬。王熙。左中允。方懸成。右中允。曹本榮。充日講官。

秋八月。勅停選漢軍庶吉士。

上曰。前選庶吉士。因漢軍進士。久在旗下。學習滿洲規矩。不必與選。

九月。定翰詹官外轉例。

上曰。翰林官。簡擢中秘。習知法度。今用人孔亟。必得文行兼優者。以學問爲經濟。助登上理。茲朕親行裁定。陳

曠黃志遴。王無咎。楊思聖。藍潤。王舜年。范周。馬華。曾沈。荃。陳彩。鄧旭。徐必遠。于朋舉。王勰耿介。崔之瑛。湯斌。盧高。皆品行清端。才優贍裕。各照外轉。應得職銜。陞一級。用。遇缺卽補。須益矢忠勤。興利除弊。副朕圖治安民至意。吏部議奏。詹事以布政使用。支正二品俸。少詹事以布政使用。侍讀學士以按察使用。侍讀中允以參政用。編檢以副使用。

冬十月。以宏文院侍讀學士王無咎爲浙江按察使。國史院侍讀學士楊思聖爲山西按察使。宏文院侍

讀藍潤爲福建布政使司叅政督糧道。右中允王舜年爲山西布政使司叅政分守冀寧道國史院編修。范周爲山東按察使司副使霸州兵備道。

十一月。勅講官停補祭酒司業。

上日日講官侍從禁庭。朝夕進講。國子監衙門較遠。職任難兼。如遇祭酒司業員缺。不必以日講官推補。

十三年丙申

春二月。改授庶吉士周季琬等十三人爲科道官。

上曰。庶吉士教習已一年。才學俱堪任用。今科道缺員。

甚多。將庶吉士改授。果有忠言讜論。斯不負所學。

御試教習國書翰林官。

賞賚陳鼓永等十人奪俸三月者四人。

閏五月再試。獎勵王熙等六人。餘住俸再留教習。及鑄級外用有差。

十四年丁酉

秋九月命內翰林宏文院學士麻勒吉布顏。王熙。國史院學士哲庫訥。查布海。蘇納海。秘書院學士常雅。白色純。胡兆龍。李蔚。秘書院侍讀學士巴海。馮溥。宏

文院侍講學士方懸成。左春坊左庶子曹本榮。禮部尚書胡世安。兵部尚書梁清標。充經筵講官。

時以文華殿未成。詔擇吉于十月開講。先

期祭告孔子宏德殿。

謹按經筵每歲春秋二仲舉行。由翰林院列講官名奏請。派滿漢各二人。直講官同掌院學士會擬所講經書奏定。撰講章。繕清漢文進呈。欽定預繕正副本俟。御論發出繕

譯清文以進。屆期。駕御文華殿。講官進講。

畢恭聽

御論禮成翰林院官恭進

御

論及講章正本

冬十二月增日講官十員

十五年戊戌

夏五月。裁詹事府官另補用。

秋七月。勅改內三院爲內閣。別置翰林院。

命除內三院宏文秘書國史名色。改爲內閣。滿字稱多爾吉衙門。大學士加殿閣銜。秩仍正五品。置翰林院。滿字稱筆帖黑衙門。定掌院學士學士秩

仍正五品。改巴哈納金之後。爲中和殿大學士。額色黑。成克鞏爲保和殿大學士。蔣赫德。劉正宗。爲文華殿大學士。洪承疇。傅以漸。爲武英殿大學士。衛周祚。爲文淵閣大學士。李蔚。爲東閣大學士。以哲庫訥。王熙。爲翰林院掌院學士。蘇納海。鄂莫克圖。爲中和殿學士。布顏尼滿。爲保和殿學士。查布海。白色純。爲文華殿學士。麻勒吉。常璽。爲武英殿學士。胡兆龍。爲文淵閣學士。艾元徵。爲東閣學士。

十六年己亥

春正月 勅停設滿洲翰林官。

止設滿洲掌院學士。

二月 詔翰林官得補授吏部侍郎。

吏部侍郎一兼學士銜一不兼學士銜。故事不兼

學士銜者翰林不得推補。上以內閣既不設

學士翰林官無缺可陞。勅吏部侍郎缺出照

禮部侍郎例亦以翰林官補授。

三月以侍講學士石申爲吏部侍郎仍兼原官。

定翰林院職掌。

經筵日講撰擬講章外藩奏書令四譯館官繙譯
考選庶吉士開列教習庶吉士職名纂修繙譯書
史開列纂修職名會試鄉試及武會試主考開列
職名撰擬封贈 誥勅開列翰林官職名題補

翰林官員及差遣俸滿丁憂給假行文等事侍直
侍班扈從貼黃修 玉牒捧 勅書教內書堂

上 陵分獻冊封齋 誥祭告 郊

廟 陵寢 社稷嶽鎮海瀆歷代帝王陵寢

先師闕里各祝文由 撰擬恭上 皇太后

徽號尊封 太妃冊立 皇后冊封 妃嬪各

冊寶印文恭上恭加 尊諡 升祔冊

諡冊寶文均由院撰擬進呈。委院官同內閣官監
刻。冊封王貝勒貝子公將軍及外藩屬國各冊誥
文。內外文武官奉 旨予諡者。祭文碑文均由
院撰進。○封贈誥敕文。至康熙七年吏部題准各
照官銜按品刊定文式頒給。停止撰擬。

謹按纂修 實錄 聖訓掌院學士充

副總裁官讀講學士以下充纂修官修 玉牒。

以修撰編修檢討職名。移宗人府。充纂修官。其編輯諸書。掌院學士充正副總裁官。讀講學士以下。充纂修官。書成。皆得奏請頒賜列銜。○殿試。掌院學士充讀卷官。講讀學士以下。充受卷。彌封掌卷官。○冊封親王世子郡王及內外固倫和碩公主。親王世子郡王嫡妃。以掌院學士充副使。長子貝勒貝子。及長子妃。貝勒貝子夫人。內外郡主縣主郡君。并外藩蒙古親王郡王嫡妃。以讀講學士侍讀侍講充正副使。外藩蒙

古貝勒以下公以上夫人。以侍讀侍講充正副使。祭告使。初用掌院學士及讀講學士。康熙三十六年。令列侍讀侍講銜。五十七年。令編修檢討以上。皆得列銜奏請。○凡陪祀。五品以上官皆預。國子監春秋祭丁。以大學士具名上請行禮。至聖前。以資深編檢二員。分獻十哲。

夏五月。設翰林院侍讀學士。侍講學士。侍讀侍講各三員。

秋九月。勅定翰林官外轉例。

學士以上照常遷轉。侍讀侍講以叅政用。修撰以副使用。編檢以叅議用。每歲春秋外轉二員。十八年九月停。

冬十月散館。授熊賜履等職。餘留教習及革退有差。授職者十人。王遵訓。彭之鳳。俞之琰。王封。深。郭諫。陳廷敬。王曰高。吳本植。宋德宜。王颺昌。湯正中。王鍾靈。孫一致。李天馥。王吉人。呂顯祖。吳珂鳴。俱照舊教習。陳敬。殷觀光。以清書荒疎革退。

謹按是科散館始有留教習及革退者。

十七年庚子

夏六月

詔翰林官分班直景運門內

上曰翰林官原係文學侍從之臣。今欲于景運門內建造直房。令翰林官直宿。朕不時召見顧問。兼以觀其學術才品。應分幾班。每班用幾員。卽列名具奏。尋掌院學士哲庫訥。王熙奏請分三班。班用講讀學士二員。侍讀侍講二員。編檢四員。依次入直。周而復始。掌院學士一體分日直宿。

秋九月。增置待詔。以兼少卿中書四人管理。

掌院學士哲庫訥。奏請增待詔四員。吏部議以內閣中書劉格。禮部啟心郎徐繼煒。工部四品主事董國安。各兼太常寺少卿。刑部員外郎盧震。兼光祿寺少卿。管翰林院待詔事。

十八年辛丑

夏四月。散館授職十九人。餘改授科道部曹。及調外用有差。

彭之鳳等八人。改用給事中。王遵訓等六人。改監察御史。郭諫等十四人。改部用。顧高嘉等三人。照

甲第調外用。

謹按散館改部用始此。

六月裁內閣翰林院復設內三院。

除殿閣銜名。

秋七月設內三院官。

滿漢大學士各一員。滿學士各二員。漢軍漢學士各一員。

--	--	--	--	--	--	--	--	--	--

國朝翰詹源流編年卷一

國史館總纂官翰林院編修吳鼎燮著

康熙元年壬寅

春二月增設內三院官。

侍讀學士各二員。正四品。侍讀各二員。正五品。

三年甲辰

夏四月。命內秘書院編修吳光。禮部司務朱志遠。諭祭安南國王。

順治初出使朝鮮用滿官。安南琉球用漢官。至康

熙二十三年定安南琉球等國兼差滿漢官由翰林院開職名移送禮部題請簡用。

定制講讀學士以下官通差各省正副考官掌院學士並充會試考官講讀學士以下充同考官。

順治初直省鄉試惟順天江南浙江江西湖廣福建以講讀學士以下至編修檢討充考官至是通行差遣。

五年丙午

夏五月命國史院侍讀學士程朝芳禮部郎中

張易賁冊封安南國王。

六年丁未

秋八月。以國史院侍讀學士楊永寧爲光祿寺卿。

謹按翰林院改補京堂始此。

七年戊申

命內秘書院侍讀李仙根。兵部職方司主事楊兆傑。冊封安南。

八年己酉

秋七月。裁內三院滿學士各一員。

九年庚戌

夏四月。復選滿洲庶吉士。

滿洲德格勒。牛鈕。博極。漢軍高璜。李玠。李夢庚。沈
獨立。

謹按自順治戊戌科停。至是復選。

秋八月。復改內三院爲內閣。置翰林院。

冬十月。以哲庫訥熊賜履爲掌院學士。

大學士兼尙書學士掌院學士並兼禮部侍郎。

十二月。設翰林院官。

侍讀學士侍講學士侍讀侍講滿漢各三員滿漢
典簿孔目各一員待詔各二員習滿字筆帖式十
六員習漢字筆帖式十六員品秩如順治十五年
例。

十年辛亥

春二月。命中和殿學士折爾肯等充經筵講官。
簡充者中和殿學士折爾肯保和殿學士達都掌
院學士哲庫訥熊賜履侍讀學士傅達禮史大成
宋德宜侍講學士胡密色季仙根祭酒徐元文。

命掌院學士哲庫訥等充日講起居注官。

簡充者。掌院學士哲庫訥。熊賜履。侍讀學士傅達。禮。宋德宜。史大成。李仙根。莽色喇沙里。楊正中。杜。臻。侍讀張貞生。嚴我斯。修撰蔡啟傅。編修孫在豐。秋八月初設起居注館。

置起居注館於太和門西廊。設滿記注官四員。漢記注官八員。俱以日講官兼攝。設滿洲漢軍主事各一員。漢主事二員。滿文筆帖式。滿漢文筆帖式。漢軍筆帖式各四員。凡御門陞殿視祝。

版經筵殿試諸卷及上元歲除外藩朝
宴記注官皆侍班有事壇廟謁

陵親耕視學大閱迎勞凱旋

及巡幸蒐狩皆扈從記注冊籍書明月日及

侍直官姓名每月滿漢文各一冊至次年按月排
纂凡記注官侍班所紀一一備載卷末彙爲總跋

冊中用翰林院印鈐縫貯以鐵匣扁鐫封識歲十

二月題明記注官會同內閣學士藏之內閣大庫

謹按宋時著作佐郎掌國史集注起居見通典

北魏起居令史。掌行幸宴會。在御左右。記錄帝言及宴賓客訓答。見文獻通考。唐起居郎。掌錄天子起居法度。舍人掌修記言之史。錄制誥德音。如記事之制。季終以聞。明講官記注起居日輪一員。其編纂諸司章奏。則別選講讀史官六員。遇常朝御門。輪記注編纂官四員。侍班郊祀。耕藉視學大閱。亦如之。

定制。文武會試考官兼用侍讀侍講學士。

初順治四年。會試同考亦用庶吉士。武會試學士。

以下充考官。順天武鄉試侍讀以下並充考官。至是定文會試主者亦兼用講讀學士。

命提督四譯館太常寺少卿關防添鑄翰林院銜。

定充經筵講官。

滿講官。以內閣學士翰林院掌院學士侍讀侍講

學士詹事少詹事六部尙書侍郎左都御史左副

都御史通政使大理寺卿之曾任內閣學士掌院

學士讀講學士者充補漢講官。以內閣學士掌院

學士讀講學士詹事少詹事祭酒六部尙書侍郎

左都御史等官之由翰林陞任者充補均由翰林院題請簡用。

冬十一月命郭廷祚蔣廷柱張士甄宋德宜爲內閣學士

謹按內閣學士始此。

十二年癸丑

秋七月 詔賜扈從講官帳房。

上曰朕或出郊外或幸南苑嘗不輟講翰林官每次隨從不免艱苦嗣後扈從講官所用帳房及一切應用物

件酌定數目由內府給與

十四年乙卯

冬十一月復置詹事府官

滿漢詹事各一員。兼翰林院侍讀學士。少詹事各
二員。兼翰林院侍講學士。左右春坊庶子各二員。
兼翰林院侍讀侍講諭德各二員。司經局洗馬各
一員。俱兼翰林院修撰。左右中允各四員。兼翰林
院編修。左右贊善各四員。兼翰林院檢討。主簿各
一員。錄事二員。正字各一員。

十六年丁巳

增滿記注官一員。

秋九月。賜侍講學士張英等居第於西華門內。

嗣後編修廂杜訥。檢討朱彝尊。均被賜。

謹按賜邸第始此。

冬十月。勅選翰林官供奉內廷。

上曰。朕不時觀書寫字。欲於翰林內選擇二員。常侍左右。講究文義。著於城內撥給間房。在內侍從數年之後。酌量優用。再如高士奇等能書者。亦選擇一二人。同伊

人直尋列名上請。命侍讀學士張英加食正四品俸供奉內廷書寫之事。止令高士奇在內供奉。加內閣中書銜。食正六品俸。內務府撥房居住。

十七年戊午

春正月。特授戶部郎中王士禎爲侍講。

詔舉博學鴻儒。

上曰。自古一代之興。必有博學鴻儒。振起文運。闡發經史。潤色詞章。以備顧問著作之選。朕萬幾餘暇。游心文翰。思得博學之士。用資典學。我朝定鼎以來。崇儒重道。

培養人材。四海之廣。豈無奇才碩彥。學問淵通。文藻瑰麗。可以追蹤前喆者。凡有學行兼優。文詞卓越之人。不論已仕未仕。令在京三品以上。及科道官在外督撫。布按各舉所知。朕將親試錄用。其餘內外各官。果有真知灼見。在內開送吏部。在外開報督撫。代爲題薦。務令虛公延訪。期得真才。以副朕求賢右文之意。

擢在籍侍講學士李光地爲內閣學士。

初耿精忠叛。海賊鄭成功據泉州。光地時歸省。誘降不從。馳蠟丸疏奏陳機宜。十六年。優敘。由編修

陸侍請學士。是年鎮賚爾軍喇哈達奏光地遣人
至軍前導大兵由漳平縣朝天嶺小路入安溪縣
修運道路接濟軍需。躬迎大兵。文臣爲國盡勞。請
加議敘。詔從優授爲內閣學士。

十八年己未

春三月 御試博學鴻儒於體仁閣。賜宴。授彭孫
適等官。

應試一百四十三人。賜宴。令吏部尙書掌院學
士陪試題。璿璣玉衡賦。省畊詩。五言二十韻。一等

彭孫通二十人。二等李添來等三十人。俱令纂修明史。已在仕者。朕已命其講讀編修。未仕者。授檢討。詳見館選錄。未取人員。內年老者。授內閣中書。聽其回籍。

謹按唐書選舉志。天子自召曰制舉。凡選未滿而試文三篇。謂之宏詞。中者卽授官。宋史紹聖初。置宏詞科。歲許進士及第者請試。如見守官。則受代請試。章奏露布檄書。用駢儷體。頌箴銘。誠諭序記。用古體。或駢儷。凡試二日。四題。取毋

過五人大觀四年。改置詞學兼茂科。取毋過三人。政和增爲五人。不試檄書。增制誥。以歷代史事擬爲之中格。授館職。紹興三年。改博學宏詞科。凡十二題。制誥。詔表。露布。檄箴。銘記。贊頌。序內。雜出六題。分三場。每場一古一今。拔其尤者。分三等。上等轉一官。選人改秩。無出身人。賜進士及第。除館職。中等減三年磨勘。與書除。無出身人。賜進士出身。下等減二年磨勘。無出身人。賜同進士出身。並許詔試館職。嘉熙三年。臣僚

請從舊三歲一試。惟取合格。不必拘額。去宏博二字。止稱詞學科。則宏詞始於唐而博學宏詞之名。始於宋紹興三年。

夏五月。御試翰詹諸臣。擢侍講牛鈕爲侍講學士。

牛鈕名在第一。

秋九月。勅起居注官記注折本啟奏。

上曰。朕每日聽政。一切折出票簽應商酌者。皆國家切要政務得失所關。今後起居注官除照常記注外。遇有

折本啟奏。俱令待班記注。

十九年庚申

夏四月。特授中書高士奇爲侍講。州同勵杜訥爲編修。

士奇。錢塘監生。由書寫序班直內廷。上以其

學問淹通。居職勤慎。特優敘焉。杜訥。靜海生員。工書。議敘福寧州同。留直南書房。至是入翰林。

加掌院學士葉方藹等銜

上以日講起居注各官。學行優長。簡備顧問。講解

明。晰。奉。職。勤。勞。加。掌。院。學。士。葉。方。謫。禮。部。尚。書。銜。
詹。事。沈。荃。禮。部。侍。郎。銜。侍。讀。學。士。蔣。宏。道。侍。講。學。
士。崔。蔚。林。嚴。我。斯。左。庶。子。張。玉。書。詹。事。銜。侍。講。董。
訥。王。鴻。緒。侍。讀。學。士。銜。侍。讀。學。士。張。英。授。翰。林。院。
學。士。兼。禮。部。侍。郎。翰。林。院。掌。院。學。士。庫。勒。訥。詹。事。
格。爾。古。德。侍。讀。學。士。牛。鈕。常。書。侍。講。學。士。朱。馬。泰。
侍。讀。阿。哈。達。各。加。一。級。

二十年辛酉

增漢記注官八員。

二十一年壬戌

夏四月。命檢討汪楫。內閣中書舍人林麟焯。冊

封琉球國王。

二十二年癸亥

秋八月。勅經筵令詹事官侍班。

上曰。經筵大典。大學士以下九卿詹事科道俱侍班。所講之書。必君臣交儆。上下相成。方有裨於治理。向來進講。俱切君身。此後兼寓訓勉臣下之意。

九月。以子王鴻緒爲內閣學士兼禮部侍郎。

二十三年甲子

冬十二月定簡翰林官提督學政例。

順天學政。以侍讀~~行~~講諭德洗馬開列江南浙江

以待讀侍講諭德洗為中贊開列停其補用郎中

道府。

二十四年乙丑

春正月。御試翰詹於保和殿。擢徐乾學等十一

人。再試於乾清宮。賞賚調用有差。

經史賦懋勤殿早春應制五言排律詩越二日再

試班馬異同辨。乾清宮讀書記。扈從祈穀壇七

言律詩。二月。上以試過詞臣徐乾學韓菼孫

岳頌歸允肅喬萊學問優長文章古雅均加賞賚。

彭孫通等照舊供職。周之麟等分調用。

二十七年戊辰

春二月。以檢討衛旣齊爲山東布政使。

謹按編檢向皆外轉副使叅議道。用布政使。

特恩也。

秋七月。授侍講董訥爲內閣學士兼禮部侍郎。

訥時加侍讀學士銜。

二十八年己巳

夏五月

命大學士徐元文兼掌院學士。

上曰。翰林掌院官職任緊要。必文學淹通。衆所推服者。始克勝任。凡翰林撰擬之文。亦須掌院詳加刪潤。然後成章。聞明代有兼管掌院之例。大學士徐元文著兼管翰林院掌院學士事。

謹按掌院學士。國初設專官。以重臣兼領。始

此。

以編修丁廷樾等爲知府。

編修丁廷樾鳳陽府知府。李濤臨江府知府。檢討汪楫河南府知府。

謹按編檢用知府始此。

二十九年庚午

春三月。以少詹事王士禎爲都察院左副都御史。

三十年辛未

復選滿洲庶吉士。

滿洲阿金喀爾喀漢軍胡麟徵。

謹按自己未科。停至是復選。

冬十月。以少詹事徐潮爲通政使。左庶子李應薦爲太常寺少卿。侍講顧藻爲兵部督捕右理事官。司業吳涵。編修王九齡爲通政使司左叅議。右庶子高裔。司經局洗馬周清原爲通政使司右叅議。侍講熊賜瓚爲大理寺寺丞。侍講勵杜訥爲光祿寺少卿。侍讀胡會恩爲鴻臚寺少卿。

時京堂缺員多。吏部疏請簡用。特命以翰詹官改補。

三十一年壬申

冬十月。命禮部尙書湯斌兼掌詹事府。

時詹事郭棻遷內閣學士。以斌兼掌詹事府。斌去。以禮部侍郎掌翰林院事。張英兼掌詹事府。及遷禮工二部尙書。皆兼掌。不另補詹事。

三十三年甲戌

夏五月。敕派翰詹官日直南書房。

上曰。翰林乃近侍之臣。向因日講時時進見。近來進見稀少。講官侍班。不過頃刻。難以悉其賢否。著將翰林詹

事官每日派四員到南書房侍直令學習文章字畫亦
可以知其人之高下以備擢用

定議講讀學士至編修以上官每日四人一班侍
直南書房四十七年停

閏五月 詔由翰林陞授部院官仍陞補翰林缺
上曰朕先慮翰林官壅滯故用數人於部院衙門所用
數人學問皆優如有翰林缺出仍著開列陞補

吏部定議太常寺卿府尹光祿寺卿太僕寺卿左
右通政大理寺少卿陞內閣學士太常寺少卿太

僕寺少卿督捕理事官。府丞陞少詹事。通政使司
叅議。光祿寺少卿陞講讀學士。鴻臚寺少卿陞庶
子。

秋七月。勅選小教習。

命教習學士等。選講讀以下官資深學優者。分課
庶吉士名小教習。是年選侍讀張榕端等八人。

御試翰詹於西苑。擢贊善陸棻爲內閣學士。餘各賞
資有差。

試題豐澤園賦。理學有真偽論。自內閣學士以下。

及由翰林改補卿寺者皆與試。棗名第一。

夏六月再試於暢春園。

萬壽無疆賦。以題爲韻。詹事徐秉義名在第一。

賜宴並賜御書擢秀清流四大字。少詹事以下皆有賜。

三十六年丁丑

冬十月以禮部侍郎韓茨兼掌翰林院事。少詹事顧祖榮爲詹事府詹事。

詹事自湯斌後皆以尙書侍郎兼掌。至是復設專

官。

三十七年戊寅。

冬十二月。裁滿少詹事以下官。

滿少詹事右諭德左中允左贊善右中允右贊善

正字錄事各一員。漢錄事一員。

三十八年己卯

秋七月。裁漢右中允右贊善以下官。

漢右中允右贊善各一員。起居注滿漢主事各一

員。正字錄事各一員。

九月。詔翰林官陞轉京堂。

上曰。翰林官甚衆。陞遷壅滯。現出京堂。缺將翰林官職名一併開列。

上年副都御史吳澍。以翰詹官陞轉壅滯。疏陳編修李濤等特用知府。少詹事王士禎等特用京堂。請援照定例。年年酌用數人。得旨。所奏是朕已知之。不必令部議。故有是命。

以少詹事李鎧爲太常寺卿。王九齡爲左僉都御史。

三十九年庚辰。

夏四月。詔選編檢改授科道。

時改授者六人。馮雲驥。湯右曾。劉灝。宋朝楠。彭始。搏。張瑗。始搏旋以會試分校持正不阿。仍改授檢討。

謹按編檢改授科道始此。

秋七月。詔翰林官差各省提學道。

上曰。翰林官及庶吉士內有極貧者。如何施恩。有益供職。告假回籍無力進京者。督撫酌量資助。各省學道不。差翰林官。嗣後應一併差遣。尋議各省學道自講讀以。

下皆列名請差翰林貧乏者月給銀三兩。

冬十一月以少詹事王頊齡爲宗人府府丞。

四十年辛巳

春二月擢侍讀學士許汝霖爲工部侍郎。

四十一年壬午

夏六月 賜翰林院 御書道德仁藝字詹事

府德業仁義二字。

四十二年癸未

勅給庶吉士關稅銀。

長蘆兩淮兩廣兩浙河東福建鹽差。許墅蕪湖崇
文門稅差各八十兩。湖口淮安稅差各七十兩。北
新鳳陽閩海太平橋龍江關稅差各五十兩。揚州
贛關天津粵海浙海臨清關稅差各四十兩。山海
關江海南新關稅差各三十兩。共銀千四百有四
兩。每年解交戶部。送翰林院。除了憂告病回籍者
不給外。見在館庶吉士。均是分給。

四十四年乙酉

夏四月。加原任侍讀徐倬禮部侍郎銜。

倬年逾八十。學問淵博。特加銜以示優獎。

定編檢改御史無庸試俸。

舊例。監察御史由中書考選者。試職一年。始實授。至是定。郎中授御史。停用試俸字。翰林官班在科道上。由編檢改授者。亦無庸試俸。

四十八年己丑

定詹事府官陞轉。通諭前任編檢歷俸。

五十年辛卯

詔滿洲漢軍翰林官。遇行闈派二人學習行走。

五十一年壬辰

春三月。令翰林官教習新科進士。

諸進士選庶吉士外。俱交禮部。令翰林官學優品
端者教習。

五十二年癸巳

夏閏五月。裁漢右諭德左中允左贊善錄事各一員。

冬十月。令書局編校。兼派庶吉士。

五十三年甲午

勅翰林官侍直暢春園。

上曰翰林官員朕多不識其學問之高下亦不能悉知
嗣後朕駐蹕暢春園著四人一班與南書房翰林一處
行走五日一更代。

至六十一年停。

五十四年乙未

春正月 御試詞臣於乾清宮。

明四目四達聰論爲有源頭活水來詩儲在文名
在第一 命入直南書房又直 武英殿者八
人致仕二十四人。

五十七年戊戌

夏六月。

命檢討

編修徐葆光冊封安南國

王

秋八月。

詔翰林官得列名請補六部侍郎。

左都御史蔡允升奏。吏部侍郎有一兼學士銜者。

缺出。開列禮部左右侍郎。內閣學士。講讀學士。詹

事。少詹事。祭酒。十七員。一不兼學士銜者。缺出。開

列戶兵刑工四部侍郎。副都御史。十員。禮部左右

侍郎。缺出。開列內閣學士。翰林院掌院學士。詹事

少詹事祭酒。其戶兵刑工四部侍郎缺出。開列副都御史宗人府府丞。通政使大理寺卿。是由翰林院出身者。以十五員而陞兩缺。由京堂出身者。以五員而陞八缺。請六部侍郎缺出。不論翰林京堂應陞官。通行開列議行。

冬十月 詔翰林官於奏事日。令五人侍班。

至六十一年停。

五十八年己亥

命編修成文。內閣典籍鄧廷誥冊封安南。

國朝翰詹源流編年卷二

國史館總纂官翰林院編修吳鼎雯著

雍正元年癸卯

春正月。定滿洲翰林分班遞補例。

侍讀侍講諭德洗馬司業等缺。用六部科甲出身
應陞者一人。編檢一人。分班間用。

三月。以侍講學士鄭任鑰爲湖南布政使。

以庶吉士王斂福楊纘緒。主恕程仁圻爲吏部員外
郎。

時吏部以員外郎缺人。奏請咨行翰林院。揀選庶

吉士引。

見補用。

詔令庶吉士充文鄉會試外簾官。

夏四月。

詔復日講起居注官。

上曰。自古帝王臨朝施政。左史記言。右史記動。蓋欲使一舉動一出言之微。無不可著爲法則。垂範百世也。

皇考聖祖仁皇帝英年踐阼。卽設日講起居注官。於詞臣中擇其才品優長者。以原官充補。鉅典茂昭。度越前代。誠爲聖帝哲王之盛事。御極六十一年。紹精一執中。

之統。厲敬。

天勤民之心。文謨武烈。經緯萬幾。盛德日新。大業鴻顯。天下臣民。仰瞻至治。不啻日月麗天。江河行地。莫不敬信悅服。記注之臣。美不勝書。

皇考聖祖仁皇帝謙德彌光。不自聖。惟恐史官或多溢美之辭。故康熙五十六年以後。裁省記注。祇令翰林五員。於理事時。輪侍班行。凡有重務要旨。仍命內閣諸臣記而存之。意至周密也。茲朕纘承大統。夙夜兢業。日昃不遑。思所以繼。

皇考功德之隆。下致四海晏安之治。顧惟涼德。甚懼負荷之難。今御門聽政之初。益當寅畏小心。綜理庶士。咸期舉措允宜。簪筆侍臣。何可闕歟。當酌復舊章。於朕視朝臨御。

郊祀

壇

廟之時。令滿漢講官各二人侍班。不獨記載諭旨政務。或朕有一言之過。一事之失。皆必據實書諸簡策。朕用以自警。冀寡悔尤。庶幾凜淵冰之懷。以致久安。慎樞機。

之動而圖長治其仍復日講起居注官如康熙五十六年以前故事。

五月。

詔選俸淺編檢辦院事。

上曰。部院衙門。均設司員定稿說堂。筆帖式。繹譯廳。官收發文書。翰林院衙門。亦有錢糧出納。陞遷議敘。并各衙門文移往來。事務繁瑣。關係不輕。乃皆出筆帖式典簿之手。遲速輕重。多有弊端。當於俸淺編檢內。擇才守優長者各二人。專主定稿說堂。庶小吏不得舞弊。而衙門永清矣。所委司事編檢。如果實心任事。辦事公敏。據

實奏聞加以殊恩。

冬十月。勅別擇翰林官。

命大學士同掌院教習。擇學問優長。字畫端楷。精于繙譯者。留本衙門及各館纂修。或才具練達。可當科道吏部之選。或長於吏治。編檢可爲道府。庶吉士可爲州縣者。分別具奏。老病者以原官休致。行止不端者。奏聞革退。

詔庶吉士散館。仍以三等分用。

上曰。朕特開恩。科人才輩出。將來選拔庶常。朕親加考

試至日後散館仍照舊例以三等分用。

向例進士殿試後卽待選庶吉士。是年對策後復引試於保和殿。令九卿各舉所知。依文字入選。有保舉無保舉名次引。見其文字不入選有

保舉者。依殿試甲第引。見始簡用庶吉士。乾

隆二年。勅總理事務王大臣驗看新科進士

分別三等具奏引。見選用三十一年。詔

通行引見。各按省分。依甲第前後。分班帶領。其朝考錄取者。於綠頭牌及排單內註明。遂爲定制。

十一月。詔揀選庶吉士才堪外任及可任部員者。奏聞。

定滿洲庶吉士散館錄用例。

文理優者。授編修。檢討。平常者。照滿洲散進士例。

以通政使司知事等官用。

授一甲一名進士于振為修。二名戴瀚。三名楊炳為編修。二甲一名張廷珩為檢討。侍直南書房。

上以元年特開恩科。故有是命。乾隆元年。一甲金德瑛等三人。授職即入直南書房。皆異數云。

謹按庶吉士例俟三年散館授職。順治年間宋德宜、崔蔚林、康熙年間沈宗敬、勵廷儀、汪灝、蔣廷錫、查慎行、梅穀成、雍正年間黃之雋、張泰基、蔣鴻皆未散館卽授職。而廷珩及癸丑科張若靄皆未及選庶吉士卽授職，尤曠典也。

勅日講官奉差以翰詹官列名請署。

二年甲辰

春二月定制翰詹官陞轉咨吏部題請。

由翰林院會同詹事府以應陞官及其次應陞官

職名咨送吏部題請簡用。

夏四月。特授左通政錢以埏爲少詹事。

三年乙巳

夏四月。特授進士夏之芳。姜穎新爲編修。黃岳牧。陸宗楷爲檢討。

先是雍正元年。勅令新科記名進士十七人。

在各館効力。及內閣學習。若行走勤慎。學問優者。

仍拔置翰林。是年。四人遂俱以景山教習授館職。

六月。詔御門日。令編檢四人侍班。班列科道之

上。

冬十二月。晉翰林院官秩。

侍讀學士。侍講學士。秩從四品。侍讀。侍講。秩從五品。如順治元年定制。

四年丙午

秋九月。詔起用病假翰林官。

先是康熙五十三年二月。以翰林告假多。令致仕。不准補官。至是復得起用。

五年丁未

秋九月。以少詹事王懋署廣東布政使。侍講尹繼善署廣東按察使。

冬十二月。詔加督學部郎編檢銜。

上曰。凡部內郎中等官。膺督學之任。則加以編修檢討銜。使其名實相稱。員缺另行銓補。俟滿任考察後。仍歸本部補用。時改直省學道爲學院。故令加翰林銜二甲出身者。加編修三甲。加檢討。

八年庚戌

春三月。詔翰林官稽查錄書史書。

上曰史書錄書。每年點滿漢翰林官各二人。悉心稽查。專司其事。倘有玩忽潦草之處。該翰林據實奏聞。

秋七月。特授湖南按察使趙殿。最爲少詹事。

八月。命侍讀蔣漣。暫攝批本事。

時內閣學士吳襄等。以病給假。內閣開列翰林讀講等官。及京堂之由翰林出身者。請簡用。殊

筆圈出漣與鴻臚寺少卿顧祖鎮。至乾隆初。則開列詹事以下暨講讀官。

九年辛亥

春正月。命左都御史史貽直等率庶吉士宣諭

陝甘。

時大兵征準噶爾。陝甘辦軍需貽直與侍郎杭奕

祿署總管鄭禪寶率庶吉士六部學習人員國子

監肄業拔貢生同往化導。十年事竣議敘。鹿邁祖。

孫瀨。朱鳳英。佟保。孫人龍。授編修。陳中。薛勳。李賢。

經色通額授檢討。

特授進士方苞爲中允。

上念其老學故有是命。

十年壬子

冬十月。勅諭給官。禮部派差。凡褒獎訓飭俱奏

聞。

禮部。凡褒獎訓飭。俱奏聞。

十一年癸丑

夏五月。置教習館。給庶吉士廩餼。

上曰。教習庶吉士。所以造就人材。使之沈潛經籍。涵詠
藝林。可以典制。誥之文。鳴國家之盛也。從前庶吉士。皆
就翰林院讀書。教習大臣。不時策勵。是以身心約束。學

殖易增館閣之間。蔚然稱盛。朕意今科庶常。仍令在衙門讀書。俾教習諸臣。朝夕訓課。兼厚給廩餼。資其膏火。庶幾枕經。菲史文藻。可觀。克稱詞臣珥筆之職。應察例酌議。以聞。尋議。月給銀四兩五錢。由工部支給。器用什物。視內務府爲教習館。令庶吉士肄業。其中人給

上諭一部。內府經史詩文各三部。貯館以資課習。

按教習庶常館在正陽門內迤東。當翰林院南。南偶面城南向。

秋八月。詔派編修檢討各二員。教習左右兩翼宗學。

十二年甲寅

秋七月。命侍讀春山。兵科給事中李學裕冊封

安南國王

秋七月。增設起居注漢主事一員。

十三年乙卯

春二月。以庶吉士徐景曾爲鄆陽府知府。

謹按雍正元年。詔別擇翰林官。庶吉士有

改同知運同知州知縣者授知府始此

冬十月。詔順天武鄉試考官通列開坊翰林。

歷科順天武鄉試正副考官止列編修檢討上請。至是。命通行開列。

乾隆元年丙辰

春二月。勅翰林官擬寫諭旨。

上曰古來制誥多出詞臣之手。掌院學士以下編檢以上官各以己意擬寫上諭一道。呈覽倘切于吏治民生。朕卽見諸施行。國家亦收文章之實用矣。庶吉士散館。

後卽照此例行。

秋九月。御試博學鴻詞于保和殿。授劉綸等官。

先是雍正十一年四月。詔舉博學鴻儒。十

三年二月。以奏薦人員少。勅內外大臣廣

行遴選十一月。皇上申諭速行保薦。定於一

年內集京師。候旨廷試。乾隆元年。諭赴考先

至者。每人月給銀四兩。資其膏火。至是應試者一

百七十六人。兩日考試。第一場。五六天地之中。合

賦。以敬授民時。聖人所先。爲韻山雞舞鏡詩。七言

十二月。韻得山字。黃鍾爲萬事根本論。第二場。五經源流諸史異同二策。一等劉綸等五人。授編修。二等楊度汪等十人。有出身者授檢討。餘均授庶吉士。詳見館選錄。

冬十二月。增設滿洲日講官二員。

二年丁巳

春正月。停館選保舉例。

近科新進士。先令九卿保舉。始引見。選用庶吉士。御史程盛修疏言。翰林地居清切。欲得通才。務端

始進保舉例行。恐日久或有冒濫。請停止。行

三月。詔翰詹與科道輪進經史奏議。

時給事中畢誼奏請令翰林官撰奏議進御。

上曰。朕廣挹羣言。可以因事鑒觀。隨時觸發。而覽諸臣所奏。亦可驗其學識。或召見講論。則性資心術。因此可覘。但畢誼所奏。止及史臣。朕意科道職司獻替。應令一體錄呈。尋定議。分翰詹爲一班。科道爲一班。日輪一人具奏。摺式先標經史。下注義疏。或節畧史文。下注史斷。後皆附所見。曰臣按云云。以千言爲率。

上勅披閱後交存南書房日久舊萃成書以資觀覽

命侍讀嵩壽修撰陳倓冊封安南國王

夏五月御試翰詹于乾清宮擢陳大受等官賞

資墨刻宮紗文葛硯筆墨諸物餘降調休致有差

先引見於養心殿少詹事至編檢以上官皆

與試試題爲君難爲臣不易論藏珠于淵賦以藏

珠于淵南華妙蘊爲韻薰風自南來詩七言十二

韻得來字一等三人編修陳大受陞侍讀贊善趙

大鯨陞洗馬。編修張映辰陞侍讀。二等十人。檢討
數文介福。編修張若需。陞侍讀。侍讀吳應枚。侍講
世臣。陞侍讀學士。三等二十人。編修鄂容安。陞侍
讀。侍講鄒升恒。陞侍講學士。四等五十六人。降調
七人。休致十三人。博學鴻詞劉綸等九人。以

御試未久。特免試。並蒙 頒賜。

勅停滿洲庶吉士分習清書。

上曰。滿洲進士。選授庶常。向例俱學習漢書。去年因徐
元夢條奏。滿庶吉士復令分習清書。朕思滿語係滿洲

自幼所習。只須漢文通順。人人皆能繙譯。授職後。自可辦繙譯之事。清文亦不致荒廢。何必於館選時。專令學習乎。嗣後滿洲庶吉士習清書之例。著停止。

秋七月。試續到博學鴻詞于體仁閣。賜宴。授萬松齡等官。

試題第一場。田制政體二策。第二場。指佞草賦。以生於堯階。有佞必指爲韻。良玉比君子。詩七言十韻。得來字。復見天心論。一等萬松齡。授檢討。二等朱荃。洪世澤。授庶吉士。張漢。授檢討。

冬十一月。勅修撰編檢掛數珠。

上曰修撰編檢侍班在科道之上。嗣後一體懸掛數珠。以肅朝儀。

五年庚申

冬十月。勅翰林院於輪班日帶編檢十人引見。

八年癸亥

夏四月。御試翰詹于圓明園正大光明殿。擢王會汾等官。賞賚紗葛畫簏香囊筆墨。餘降調休致有

差。

試題禮以養人爲本論。藏珠於淵賦。折檻旌直臣。詩五言八韻。限三看。一等三人。編修王會汾。陞侍讀學士。庶子李清植。陞少詹事。編修裘曰修。陞侍讀學士。二等九人。編修觀保。陞侍講。萬承蒼。陞侍講學士。沈德潛。陞左中允。秦憲田。陞侍講。中允于振。陞左庶子。張若靄。周長發。陳兆崙。周玉章。于應陞。處具名題奏。三等十七人。四等七十一人。降調十九人。罰俸一年者三十二人。休致二十人。

閏四月試滿洲外班翰詹擢侍讀赫瞻等官。

上曰。昨考試翰林時。由部屬等官用入翰林詹事衙門者。皆不與朕思伊等已陞用翰詹讀書作文。乃其職分事。伊等雖不由庶吉士陞轉。實俱科甲出身。縱不能詩賦。如作論繙譯。豈得謝曰不能。著齊集圓明園候朕出題考試。著爲例。試題知人則哲論。賦得數問。夜如何詩。五言六韻。得中字。另試繙譯題。一等二人。侍讀學士石介。于應陞。處其名題。奏侍讀赫瞻陞侍讀學士。二等四人。侍讀世貴陞庶子。庶子文保陞侍講。

學士三等四等各五人降調五人。

謹按大考滿洲外班翰詹官始此。

覆試休致翰林。

試題長勺之戰論。螢光照字賦。以尺璧非寶寸陰是競。爲韻賦得渭北春天樹詩。五言八韻。留原任者六人。各罰俸一年。

九年甲子

冬十月。車駕幸翰林院。賜大學士及翰林等官宴。

八年冬。詔出大府金。重葺翰林院。是年工成。

御書稽古論思集賢清秘二額。顏其堂。賜古

今圖書集成一部貯寶善亭。詔諏吉送掌院

大學士進院。上親臨賜宴。以張說東壁圖書

府五律字爲韻。上賦東字音字二首。敕

諸臣各分一字賦詩。又以人數爲字所限。未能徧

及。從臣復賦柏梁體詩。上首倡。諸臣依次分

韻。凡籍翰林及旣改官而舊爲翰林者。皆與焉。凡

百六十有五人。賜樂善堂集性理精義各一部。

及名茶文綺箋絹時果有差。

十年乙丑

夏五月。選宗室達麟圖為庶吉士。

定制宗室不應科目。雍正初立宗學。宗人子弟讀書。其中五年一試。取合格者。賜進士。至是達麟圖館選。

謹按宗室入翰林始此。

復選小教習。如庚戌科以前定制。

掌院暨教習庶吉士之大臣。於見任讀講修撰編

檢內選。

十三年戊辰

夏五月

御試翰詹於乾清宮。擢齊召南等官餘降調休致有差。

試題竹泉春雨賦。以有斐君子終不可諠兮爲韻。賦得洞庭張樂得和字。七言六韻。時務疏。一等三人。侍讀學士齊召南。陞內閣學士。編修李因培。主際華。陞講讀學士。二等十人。檢討程恂。陞中允。侍謹程景伊。陞侍讀學士。編修張若澄。陞贊善。國柱。陞洗馬。其未經陞用六員。諭於伊等應陞缺。

出具名題奏三等二十人四等五十四人降調七人降知縣六人休致十三人四等之未降調者均罰俸一年未預試之孫人龍 諭作為四等罰俸三年免其休致

試滿洲外班翰林官擢庶子永世為侍讀學士餘降調有差

一等二人少詹事世貴 諭應陞缺出題奏二

等三人三等七人降調三人改旗員二人

秋八月罰未預試翰林世臣等俸休致三人

翰林院奏請補試得

旨楊廷棟湯大紳鈕汝

騏莊有信朱璣照四等例罰俸一年世臣龔渤職

已大著帶領引見尋

諭照四等例各罰俸一

年吳紱王以昌周人麒著照議休致

加原任檢討劉振起侍講銜

振起廣東人乾隆元年庶吉士三年

上念其

年屆九十遠來京師特授職回籍至是年百歲特

予加銜

裁漢少詹事一員

十四年己巳

春正月。裁滿漢左諭德各一員。

十六年辛未

春正月。詔停邊省庶吉士分習清書。

上曰。庶吉士分習清書。例由掌院學士分派。量其年力。不拘省分。舊時清漢各半。雍正年間以來。分習清書者。漸少。每科尙有十四五員。十七八員不等。朕思邊省之選館本少。聲律亦素所未嫻。既習國書。自必專意殫精。惟清文是務。非天分優而學業勤者。不能兼顧。漢文益

就荒落。迨散館時。或以清書優等授職。而留館後。遇通行考試。往往絀於詩賦。列入下等。改令別用。究其所肄清文。自散館一試外。別無職分應用之處。微獨邊省。卽北五省。庶吉士類然。翰苑中江浙人員較多。而遠省或致竟無一人。非所以均教育而廣儲才也。嗣後雲南貴州四川廣東廣西等省。庶吉士不必令習清書。直隸山東河南山西陝西等省。亦視其人數。若在三四員以上。酌派年力少壯者一二人。其浙江等省。人數在五六員以上者。酌派二三人。率以三十歲以下者充之。每科通

計在十人內外。寧缺無濫。循舉舊章。備國朝典制足矣。

夏六月。特授經學吳鼎、梁錫璵爲司業。

上曰：吳鼎、梁錫璵所著經學各書。著派翰林二十員。中書二十員。在武英殿繕寫進呈。原書給還本人。梁詩正、劉統勳董理其事。尋授吳鼎爲司業。梁錫璵亦授司業。一體食俸辦事。不爲定員。

冬十一月。加原任詹事黃叔琳侍郎銜。

上曰：黃叔琳以康熙辛未探花。年躋大耋。重遇傳臚。歲紀洵稱熙朝人瑞。著從優加給侍郎銜。

十七年壬申

夏六月。御試翰詹于正大光明殿。擢汪廷瑛等官。餘降調休致有差。

試題。納涼賦。以薰風自南來爲韻。風動萬年枝詩。五言六韻。得名字。擬董仲舒第三策。一等三人。編修汪廷瑛。陞侍講學士。侍讀學士寶光。陞內閣學士。編修楊述曾。陞侍讀。二等十二人。編修陳兆崙。陞侍讀學士。朱珪。陞侍講。莊存與。陞侍讀。侍讀陳大倫。陞侍讀學士。編修積善。陞中允。贊善金姓。

陸庶子三等二十二人。侍讀張九鎰。陞侍讀學士。編修張若需。陞贊善。李宗文。陞侍讀。降調二人。四等三十二人。降調五人。降知縣二人。休致七人。留者俱罰俸一年。考試不到之勵宗萬。降二級調用。檢討王世仕。以知縣用。

試滿洲外班翰林。擢中允德爾泰爲少詹事。餘降調。休致有差。

一等德爾泰。二等四人。休致二人。三等四人。降調一人。四等一人。以七品筆帖式用。考試不到者三

人降二級調用。

秋九月

詔給年老舉人徐文靖等檢討銜。

上曰今年舉行

萬壽恩科。禮部會試。士子雲集。有年臻耄耋。尙與觀光者。雖未經入彀。而龐眉鶴髮。偕試禮闈。亦場屋中人瑞也。所有八十以上之徐文靖。侯勤。王瑩。周中規。給翰林院檢討銜。七十以上之張簡。杜繼衍。任湖。趙居祿。邸釗。周士梁。張明極。何魯。李熙鐸。林玉藻。給國子監學正銜。現任學正王延年。著該部帶領引見。再降諭旨。用賁殊。

恩以光盛典。尋授延年額外司業。

二十年乙亥

冬十二月。命侍講全魁。編修周煌。冊封琉球。

三十三年戊寅

春三月。御試翰詹於正大光明殿。擢王鳴盛等官。餘降調休致有差。

試題。瑾瑜匿瑕賦。以隱惡揚善。執其兩端爲韻。河防得失疏。野舍時雨潤詩。五言六韻。得和字一等。三人。編修王鳴盛。陞侍讀學士。修撰秦大士。陞侍

講學士。侍講學士錢汝誠。陞內閣學士。二等十五人。編修錢大昕。陞贊善。沈棻。陞庶子。侍講朱珪。陞侍講學士。編修博明。陞中允。梁同書。陞侍講。三等二十五人。降調六人。休致一人。四等十七人。降調二人。降知縣一人。休致八人。

二十五年庚辰

秋八月。賜大學士史貽直。重預恩榮。宴詩。

有庚辰先進杏花芳。周甲重看藥榜黃之句。

二十六年辛巳

夏五月。命侍講德保大理寺少卿顧汝修冊封安南。

二十八年癸未

夏五月。御試翰詹於正太光明殿。擢王文治等官餘降調休致有差。

試題江漢朝宗賦。結網求魚詩。五言八韻。得賢字。畿輔水利疏。一等三人。編修王文治。陞侍讀。檢討周升桓。陞侍講。侍讀錢大昕。陞侍讀學士。二等十人。檢討張曾敝。陞侍講。侍讀李宗文。陞少詹事。

未陞用者。論記名於應陞處題奏。三等三十人。降調一人。降知縣一人。休致二人。罰俸一年七人。四等十七人。降調四人。休致九人。罰俸一年二人。侍讀勝格以未經考試。附四等降編修。

謹按是年因御史王懿德奏請。始彌封大考卷。

二十九年甲申

春二月。詔選堪任道府翰林。

上曰。翰林人員。向有外用道府例。著大學士會同翰林院掌院學士。將材堪勝道府者。揀選帶領引見。

三十二年丁亥

夏五月起用休致編修汪存寬。戈岱。

存寬等迎。鑾天津。令回京候試。存寬。岱起用。

原任檢討陳本敬。李臺。鄭岱。鍾均。賞賚葛紗。

三十三年戊子

夏四月。御試翰詹於正大光明殿。擢吳省欽等
官。餘降調。休致有差。

試題。擬張華鷓鴣賦。紫禁櫻桃出上闕詩。七言八
韻。新疆屯田議。一。等三人。編修吳省欽。陞侍讀。褚

廷璋陞侍講。少詹事張曾敝賞緞四疋。二等十八人。編修宋銑陞洗馬。胡高望陞侍讀。彭冠陞中允。金士松。孫效。曾陞侍讀。贊善朱筠陞侍讀學士。編修秦承恩。彭紹觀。陞贊善。韋謙恒陞庶子。未經陞用者。記名於應陞處題奏。三等三十人。降補四人。降知縣四人。罰俸一年二人。休致四人。四等十五人。降調四人。休致八人。不入等二人。革職。

三十五年庚寅

夏四月。起用休致翰林陳本敬等官。

陳本敬鄭岱鍾仍官檢討。編修孟生蕙陳蘭森。以主事用。編修張世淥。檢討易文基。以知縣用。檢討郭潔。以驍騎校用。

二十六年辛卯

春三月。裁司經局正字。

正字。從九品。向由應選中書題補。御史邵庚曾以無應辦事。請裁。議行。

夏四月。詔停庶吉士京察一等。

上曰。該員尙朱散館授職。不應遽膺薦剡。著撤出嗣後。

庶吉士保列一等之例著停止。

詔兼部滿洲翰林歸各部保送。

上曰。翰詹衙門保送一等。有兼部行走之員。由部註考。仍附本衙門引見。雖循例辦理。但此等人員。旣以職係翰林。不占部員之數。而翰詹衙門。又以由部保薦。聽其濫於舊額。非慎重考績之道。此次兼部翰林保列一等者。撤出。嗣後滿洲翰詹。有兼部行走。列在一等者。卽入於各該部保送員數內。一體比較。

六月 御試休致翰林蕭芝等起用改補有差。

時 上南巡。蕭芝等迎鑾。起授蕭芝李臺檢討。龔驂文。周位庚。于宗瑛。改用主事試題。弓膠昔幹賦。球球如玉詩。

冬十月。勅候補講讀中贊官通融補用。

上曰。向來翰林院侍讀侍講學士。及侍讀侍講中允贊善等官。需次候補者。例俱坐補原官。詞曹清秩額缺有數。未免守候需時。因思讀之與講。繫銜雖殊。品秩相等。而漢缺中允贊善。亦非若滿員之銓用殊途。分別五六品頂帶者可比。嗣後此等候補人員。講讀中贊。准其各

自通融補用著爲令。

三十八年癸巳

春閏三月定編檢考選御史例。

御史唐淮奏編檢保送御史。須俟散館後歷俸三年議行。

秋七月。特命進士邵晉涵周永年余集與壬辰科庶吉士一體散館。校勘四庫全書。

時四庫全書總裁奏調晉涵等來京。同司校勘。

上以伊等尙無職任。命試看年餘。行走勤慎。實

于辦書有益。進士出身者。准與壬辰科庶吉士一體散館。舉人准與下科新進士一體殿試。

八月特授編修紀昀。刑部郎中陸錫熊爲侍讀。

上曰。辦理四庫全書處。將永樂大典內檢出各書。陸續進呈。朕親加披閱。間予題評。見其考訂分排。具有條理。而撰述提要。案然可觀。則成於紀昀陸錫熊之手。二人學問本優。校書亦極勤勉。甚屬可嘉。紀昀曾任學士。陸錫熊現在郎中。著加恩均授爲翰林院侍讀。遇缺卽補。以示獎勵。

四十年乙未

夏五月。特授進士楊昌霖爲庶吉士。

冬十月。定左右中贊陞轉例。

吏部奏漢中允正六品。贊善從六品。請中允員缺。由右轉左。將左右贊善。按次具題陞轉。允行。

十二月。特授候補監丞侍朝中書張能照爲庶吉士。大學士于敏中奏。令總校四庫全書菁要。

四十一年丙申

夏六月。詔設文淵閣官。

上曰。四庫館進呈。哀集永樂大典散篇內。有麟臺故事。一編。爲宋待制程俱撰。俱詳當時館閣之制。所載典掌。三館秘閣書籍。以執政領閣事。又有直秘閣秘閣校理等官。頗稱駭備。方今蒐羅遺籍。彙爲四庫全書。每輯錄奏進。朕親披閱。釐正。特於文華殿後。建文淵閣。弄之以充策府。而昭文治。淵海縹緗。蔚然稱盛。第文淵閣國朝雖大學士兼銜。而非職掌。在昔並無其地。茲旣崇構鼎新。瓊函環列。不可不設官兼掌。以副其實。自宜酌衷。未制設文淵閣領閣事。總其成。其次爲直閣事。同司典掌。

又其次爲校理分司註冊點驗。所有閣中書籍。按時檢
曝。雖責之內府官屬。而一切職掌。則領閣事以下各任
之。於內閣翰詹衙門內兼用。其每銜應設幾員。及以何
官兼充。著大學士會同吏部翰林院定議。列名具奏。候
朕簡定。令各分職繫銜。將來卽爲定額。用垂久遠。尋定
議。設文淵閣領閣事二員。以大學士協辦大學士
翰林院掌院學士兼充。總司典掌。文淵閣直閣士
六員。以科甲出身內閣學士詹事少詹事讀講學
士兼充。同司典守釐輯。文淵閣校理十六員。以庶

子侍讀侍講洗馬中贊修撰編檢滿員用內班及
科甲出身之內閣侍讀兼充分司註冊點驗文淵
閣提舉一員以內務府大臣兼充並派內府司員
筆帖式分管文淵閣檢閱八員以科甲內閣中書
兼充每歲五六月提舉會同領閣大臣定期奏請
曝書直閣校理官公同啟閣緝晾檢閱官隨同點
檢。

秋七月。命大學士舒赫德于敏中以原銜充文
淵閣領閣事內閣學士劉墉詹事金士松侍讀學士

陸費輝。陸錫熊。侍講學士紀昀。朱珪。以原銜充文淵閣直閣事。

四十二年丁酉

冬十一月。以吏部主事程晉芳爲編修。

四十三年戊戌

夏五月。給年老舉人魯傳道。鄭兆球。檢討銜。

時年俱八十餘。同時九十以上者。郭毓麟。給司業銜。其七十以上者。給國子監學正銜。

四十五年庚子

夏五月。給年老舉人李實生等檢討銜。

八十以上中式舉人者五人。給檢討銜。其鄉試未中式。欽賜舉人者與七十以上者。俱給國子監學正銜。

秋七月。以原任雲南巡撫孫士毅爲編修。

時罷職來京。上念其學問優。命與紀昀陸錫熊總輯四庫全書。

四十七年壬寅

春二月。賜四庫全書總裁等宴於文淵閣。賚如

意文綺等物有差。

以四庫全書第一部告成。皮閣錫宴。並賚總裁九人。總纂分校等官七十七人。如意雜佩文綺筆墨。硯箋等物。恭和御製詩。下逮膳錄生。均頒賜宴席果品。

謹按四庫全書三萬六千冊。薈要一萬二千冊。四十九年甲辰。

秋九月。命內大臣西明翰林院侍讀學士阿肅。冊封朝鮮世子。

五十年乙巳

春二月。御試翰詹于乾清宮。擢陸伯焜等官。餘降調休致有差。

試題以仁安人以義正我賦。循名責實詩。七言八韻。得班字。聖人定之。以中正仁義而主靜論。一等二人。編修陸伯焜。吳璫。均陞侍讀學士。二等三十人。編修蔡廷衡。陳萬壽。茅元銘。顏崇瀉。吳舒。惟陞侍讀。侍講。瑞保。王保。陞侍講學士。編修陳崇本。陞中允。方燁。陞贊善。具未陞用者。諭記名遇。

應陞缺。出具名提奏。三等五十人。開坊官降調九人。仍罰俸半年。編修汪如藻等七人。註銷議敘。仍罰俸半年。四等三十二人。降改郎中一人。員外一人。主事八人。知縣二人。休致十人。不入等四人。革職。

試滿洲外班翰林官。

一等少詹事慶齡加一級。二等二人。三等二人。右庶子傅彬。罰俸一年。侍讀八十二。休致四等二人。右贊善塘五珠。罰俸二年。左庶子九十四。與不入

等之左贊善阿禮謨草職

裁滿洲讀講學士侍讀侍講各一員

秋九月。敕降調侍讀張燾莊承籤以主事改補

上日講讀等官考列三等應以中允贊善降補。但中贊
缺少得補甚難。嗣後翰詹遇考試應行降補。俱對品以
部屬補用。此次接駕之張燾莊承籤卽以對品主事改
補。

五十二年丁未

夏四月。給年老舉人李宏道等編修檢討銜。

宏道九十九歲給編修銜餘八十九以上者四
十人給檢討銜七十以上者五人給國子監學正
銜

五十四年己酉

冬十二月 詔裁詹事府官兼銜

上曰本日闕洗馬周瓊請代奏謝恩摺內有補授司經
局洗馬兼翰林院修撰字樣修撰係一甲一名進士專
銜何用假借兼攝所謂名不正也因思詹事府衙門詹
事庶子中允贊善亦俱兼翰林院讀講學士侍讀侍講

編修檢討等銜係沿前明舊例嗣後毋庸再兼翰林院
虛銜以昭覈實

五十五年庚戌

夏四月給年老舉人劉湘等檢討銜

九十以上劉湘等三人八十以上吳霖等七十二
人給檢討銜

五月 詔大學士稽璜重預恩榮宴

上曰大學士稽璜係雍正庚戌科進士茲屆周甲之期
與新進士先後同年著昭史貽直例重預恩榮筵宴以

爲藝林佳話

五十六年辛亥

春二月 御試翰詹於正大光明殿擢阮元等官
餘降調休致有差

試題擬張衡天象賦以奉三無以齊七政爲韻
鏡詩五言八韻得和字擬劉向請封甘延壽陳湯
疏並陳今日同不同一等二人編修阮元陞少詹
事侍講吳省蘭陞詹事二等十一人修撰胡長齡
編修劉鳳誥吳樹本陞侍讀學士侍讀陳嗣龍曹

城陞侍講學士編修汪廷珍檢討劉鏞之陞侍講
編修程昌其崔景儀陞贊善檢討蔡共武編修邵
青涵陞中允三等七十四人編修曹振鏞陞侍講
降調十人降員外二人降主事七人降知縣二人
四等八人降中書五人休致三人

試滿洲外班翰詹官

二等二人三等五人洗馬陞提庶子觀承降一級
用不入等二人革職

冬十月更定滿洲翰詹官陞轉例

舊例滿少詹事講讀學士均以庶子侍讀侍講洗馬司業爲內班較俸擬陞以通政司參議光祿寺鴻臚寺少卿科道郎中爲外班吏部會同大學士選擬正陪引見至是吏部奏定少詹事缺出以內班講讀學士論俸陞轉以庶子侍讀侍講洗馬司業作爲其次應陞講讀學士缺出專以內班庶子侍讀侍講洗馬司業陞用論俸擬正陪引見補授中允贊善向例定爲外班遇應陞時中允試俸一年贊善二年期滿方准予陞亦奏定毋庸試

俸至庶子侍讀侍講洗馬司業內外班輪用仍循舊例行。

十一月定坊局官京察歸掌院學士。

舊例洗馬中允贊善遇京察由詹事出考語至是御史五泰奏歸掌院學士其主簿筆帖式仍由詹事府考察。

嘉慶三年戊午

春二月 御試翰詹于正大光明殿擢陳琪等官餘
降調休致有差

試題擬徐階并鮒賦以題爲韻春雨如膏詩五言
八韻得訛字除邪教疏一等二人編修陳琪修撰
潘世恩升侍讀二等二十一人編修莫晉升侍講
侍講汪廷珍升侍講學士侍讀學士曹振鏞升少
詹事編修吳廷選祝曾升中允侍讀英和升侍讀
學士侍讀學士文寧升詹事侍講學士劉鏞之轉

侍讀學士編修李宗瀚陳希曾升贊善贊善李鈞
簡陞右庶子右庶子錢棨轉左庶子三等四十人
降補七人降主事三人降知縣一人四等六人降
補二人休致四人

試滿洲外班翰詹官

二等一人三等四人罰俸一年

嘉慶八年

春三月 御試翰詹于乾清宮擢陳嵩慶等官

試題擬潘岳藉田賦知人安民論懷德維寧詩得
心字五言八韻一等三人編修陳嵩慶陞侍講學
士編修吳鼐陞侍讀編修王引之陞侍講二等三
十人編修鮑桂星陞中允編修王鼎陞贊善右贊
善周系英陞中允編修李潢陞贊善左庶子陳希
曾陞侍讀學士侍講學士萬承風轉侍讀學士左
庶子周兆基陞侍講學士侍讀學士莫晉賞緞二

疋洗馬施杓少詹事茅元銘各賞緞一疋均記名
遇缺題奏檢討張問陶編修李錫恭杜壩吳榮光
汪守和蔡之乏陳崇本孔昭虔各賞緞一疋及名
在二等未經陞賞者俱照例記名遇缺題奏三等
三十九人降調八人罰俸十四人四等三人罰俸
一人休致二人

試滿洲外班翰詹官

一等一人侍讀成格陞侍讀學士二等二人右庶
子廣泰陞侍講學士三等三人罰俸二人四等二

人降筆帖式一人林致一以

欽定四庫全書

卷一百一十一

嘉慶十七年壬申

春二月 御試翰詹于正大光明殿擢徐廻等官賞
資緞疋餘降調休致有差

試題帝京賦以春色滿皇州爲韻精一執中論春
風扇微和得春字詩五言八韻一等四人編修徐
廻陞侍讀學士編修陳嵩慶陞侍講學士編修顧
純陞侍讀編修姚元之陞侍講二等四十七人編
修彭邦疇陞贊善左贊善果齊斯歡陞侍讀學士
未陞用者俱記名遇缺題奏三等七十人降調六

人降郎中一人降員外二人四等四人休致四人

草職一人罰俸十六人不入等一人

試滿洲外班翰詹官

三等一人四等一人不入等一人降筆帖休致草

職

嘉慶二十三年戊寅

春二月 御試翰詹于乾清宮擢潘錫恩等官賞賚
緞疋餘降調休致有差

試題澄海樓賦以故觀於海者難爲水爲韻爐烟
添柳重詩五言八韻得烟字以義制事以禮制心
論一等五人編修潘錫恩陞侍讀顧元熙陞侍講
修撰吳信中陞庶子編修錢林陞洗馬許邦光陞
贊善二等四十五人三等五十四人改郎中二人
改員外二人改主事一人四等八人降調罰俸三

人休致五人

道光四年甲申

秋八月 御試翰詹于正大光明殿擢朱方增等官
賞資緞疋餘降調休致有差

試題八月其獲賦以歲豐仍儉節爲韻昨夜庭前
葉有聲詩七言八韻得心字以義正萬民論一等
五人侍讀學士朱方增陞內閣學士編修毛樹棠
陞侍讀洗馬鄂木順額陞侍講學士檢討戚人鏡
陞贊善侍讀潘錫恩陞侍講學士二等五十一人
少詹事鍾昌編修翁心存少詹事襲守正右庶子

許邦光修撰戴蘭芬侍讀德興編修葛天柱徐廣
縉龍元任蔡賡颺許乃普韓大信檢討張萬年俱
記名遇缺題奏三等六十人降補四人改主事四
人罰俸十五人四等四人俱罰俸不列等四人降
中書一人休致三人

道光十三年七月

御試翰詹于正大光明殿擢田嵩年等官

試題落葉賦以樹猶如此人何堪爲韻馬援討交
趾論研精耽道詩得深字五言八韻一等五人編
修田嵩年陞侍講學士編修羅文俊陞庶子編修
季芝昌陞侍讀編修王植賈楨陞侍講二等四十
八人編修戴熙陞贊善編修杜受田陞中允侍讀
許乃普陞侍講學士侍講全慶陞侍讀學士侍讀
學士胡達源陞少詹事侍講吳文鎔轉侍讀吳文

鎔檢討溫葆淳二員記名遇缺題奏侍講周祖培
轉侍讀三等五十八人降調十一人降主事一人
罰俸七人四等五人降調一人降主事一人罰俸
三人不列等三人降小京官一人休致二人